

INUIT ATAQATIGIIT INATSISARTUNI



UPA2026/175

27 maj 2026

Pipaluk Lyngø

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaata allangortinneqarnissaa siunertaralugu Naalackersuisut peqquneqarnissaannik Inatsisartut aalajangiiffigisassaattut siunnersuut. Inatsimmi piumasaqaataasut appartinnerisigut kommunini inoqarfiit ukiut tamarmik kulturikkut ingerlatsineq sunngiffimmilu sammisassaqtitsineq pilersaarusiortalissavaat.

(Inatsisartunut Ilaasortaq Mimi Karlsen, Inuit Ataqatigiit)

Mimi Karlsen, siunnersuummut tigussaasumut qjanaq.

Inuit Ataqatigiinni kultoorerput kinaassutitsinnut pingaarnerpaatut eriagalugu kinguaatsinnut ingerlateqqitassatut isigaarput.

Misissuinerit takutereerpaat inuit kultooriminnut qaninnerusut tarnikkut peqqinnerusartut.

Assassornerit allallu Kalaallit uagut pikkoriffigut sukumiisumik kinguaatsinnut ingerlateqqittariaqarpagut, mersorneq, ammerineq allallu kultooritsinni ileqqugut.

Nunasiaataanikuuvugut, ileqquvut "nutaanngorsarneqarlutik", tassanilu ileqqut ilaat sumiiffinni ilaanni annaajartorpagut, inooriaaseq alla ileqqunngortinneqarnerasigut.

Inuit Ataqatigiinniit pingaartipparput, assassornerit assigiinngitsut ingerlateqqinnissaat, kultoorimut piujuannartitsinerummat.

Innuttaasut sunngiffimmi atuarnissaat periarfissatsialaavoq, ataatsimoornissamut peqqinnartumillu sunngiffimmi aallussisinnaaneq piorsartariaqartipparput.

Nuna tamakkerlugu sunngiffimmi atuarsinnaaneq periarfissaasariaqarpoq suleqataasussaqtillugu.

INUIT ATAQATIGIIT INATSIARTUNI



sunngiffimmi atuarneq aamma imminut pilersornissamut isumassarsiorfiusinnaavoq, soorlu siunnersuuteqartoq oqaatigigaa meerarpassuit sunngiffimmi suliffeqaratik peqateqarlutik pilersitsisinnaanermik ilikkagaqarfigisinnaagaat, sunngiffimmilu sammisaqarnerup ilaatigut aamma pinaveersaartitsineq piulertarmat, sammisassaqartitsineq sorpassuartigut inuiaqatigiinnut pisuunnguallaataasussaavoq.

Siunnersuuteqartoq tigussaasorujussuarmik siunnersuuteqarputit, ersarissumik.

Taamak oqaaseqarluta, Inuit Ataqatigiinnit tapersiilluta, siunnersuut ataatsimiititaliamut susassaqartumut ingerlateqqipparput.

Qujanaq.